



Inatsisartunut ilaasortaq Kristian Jeremiassen, Siumut
Inatsisartut
/MAANI

Qasigianguani Royal Greenlandip suliffissua pillugu § 37 naapertorlugu Naalakkersuisunut apeqqummut nr. 2012-085-imut akissut

4. apr 2012
Sagsnr. 2012-063998
Dok. Nr. 866247

Inatsisartut suleriaasianni § 37, imm. 1 naapertorlugu Qasigianguani Royal Greenlandip suliffissuani tunisassiassaqarniarneq sulisunullu tunngassuteqartut pillugit apeqquteqaateqarputit. Apeqqutitit uannit akisassanngorlugit innersuussutigineqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqqut:

1. Qasigianguani Royal Greenland A/S-ip siunissami tunisassiorfiata tunisassianik amingaateqaleqqinnginnissaanut Naalakkersuisut qanoq ittumik suliniuteqarniarpat?
2. Royal Greenland A/S-imi sulisartut inuppalaarnerusumik pineqartalernisaaanik Naalakkersuisut suliniuteqalersaarpat?

Akissut:

1-imut) Siullermik erseqqissaatigerusuppara Qasigianguani Royal Greenlandip sulisuminik angerlartitsisariaqarsimanera soorunalumi ajuusaarnarmat. Taamaattorli erseqqissaatigissavarattaq apeqqutit Royal Greenlandip tunisassiornermini aqqissuussisarnerinut tunngasut Naalakkersuisunit akuleruffigineqarsinnaanatillu akuleruffigineqarumangimmata. Apeqqutit taamak ittut ingerlatseqatigiiffiup qullersaqarfiata tamakkiisumik akisussaaffigimmatigik.

Apeqqutinnut tunngatillugu sulisunillu angerlartitsisariaqarsimanerumut patsisaasut annertunerusumik paasisaqarfigerusullugit Royal Greenland attavigisimavara. Allakkanni illit nammineq eqqaasattut angerlartitsisariaqarsimanerumut tunisassiassaalatsineq toqqaannartumik patsisaasimavoq. Royal Greenlandilli ilisimatitsissutigaa tunisassiassaalatsineq pissutigalugu 2007-ip kingorna Qasigianguani sulisunik aatsaat angerlartitsisariaqarsimallutik. Royal Greenland naapertorlugu tunisassiassaalatsinerumut pissutaavoq aalisarnerup piffissami sivilsulersumi sikup silallu allanngorarneri patsisigalugit ajornartorsiuteqarfiusimanera.

Royal Greenlandittaaq ilisimatitsissutigaa tulaassisussaataaneq aqutugalugu tunisassiorfimmi ukiuunerani suliassaqartitsisoqarsinnaasimasoq, aalisakkanik qerisunik toqqorsivimmiititsisoqarneratigut. Qerititsivimmi aalisakkanik toqqortaateqartoqarsimangippat angerlartinneqartariaqarsimasut amerlanerullutillu sivilsulersumik angerlarsimatiinnarneqarsimassagaluarpit.

2-mut) Royal Greenlandip sulisuminut politikianut apeqqummut tunngatillugu ilisimatitsissutigisinnaavara apeqqutinut ingerlatseqatigiiffiup nammineerluni akisussaaffigissaanut tunngatillugu Naalakkersuisut akulerussinnaanatillu

akulerukkusunnimmata. Sulisunik piffissami sivikinnerusumi sivilunerusumilu angerlartitsisariaqartarneq pillugu Royal Greenland sulisuminut politikkaa pillugu apeqquteqarfigaarattaq. Tassunga tunngatillugu ingerlatseqatigiiffiup ilisimatitsissutigaa sulisutik sapinngisamik pitsaanerpaamik periarfissinniartarlugit. Tamanna ilaatigut pisarpoq Royal Greenland Academy-mik taaneqartartoq aqutigalugu, tassani suliffissuarmi sulisartut meerartatik ilagalugit pikkorissarnissamut neqeroofigineqartarmata. 2011-p naalernerani 2012-illu aallartinnerani Qasigiannguani aamma Uummannami nunaqarfimmilu Ikerasammi pikkorissaasoqarpoq. Pikkorissarnerit assingi Qeqertarsuarmi ingerlanneqassapput. Katillugit inersimasut 110-t meeqqallu 55-it pikkorissaqataasimapput.

Naggasiullugu Royal Greenlandip ilisimatitsissutigaa, tunisassiorfiit matugallarnissaat pinngitsoorneqarsinnaajunnaartillugit najukkani suliffissarsiuussisarfiit ingerlaavartumik attavigineqartartut. Najukkani suliffissarsiuussisarfinnik suleqateqarneq ingerlatseqatigiiffimmit ajunngilluinnartutut isigineqarpoq.

Inussiarnersumik inuulluaqqusillunga

Ane Hansen